

Quâ in parte, ut nos nostro etiam loco præceptorum studium aliquo modo sive juvaremus, sive sublevaremus, Compendium istud Locorum Theologicorum ita in lucem prodire voluimus, ut secundum tres distinctas Discipulorum classes, quarum una est, Incipientium, altera Proficientium, tertia Adultorum, Quæstiones etiam trium distinctorum essent generum; ita ut incipientibus ea ediscende proponerentur quæstiones, quæ nullum prorsus habent adjectum signum: Proficientibus verò ea, quæ figura crucis † sunt notatæ: Adultis deniq; quæ stellulam præfixam habent. Hoc enim pacto neq; incipientium rudiorum vè tarditas proficientibus, & adultis, neq; horum profectus & alacritas illis fraudi esse poterit.

Ceterum, quæ potissimum Methodo in colligendis disponendisq; Locis istis usi simus, non est, Candide Lector, pluribus ut te moremur. Nos quidem minimè fugit, nonnullos ad superstitionem usq; de rãxi sive ordine Locorum Theologicorum esse sollicitos. Sunt enim, qui secundum distinctas patefactiones & operationes Dei ad extra, seriem Articulorum fidei adornandam esse autumant. Sunt alii, qui diversitatem subjectorum & objectorum, respectum Creatoris, tum creaturarum strictè hac in parte & ob-

ser-